

**PRU: MIC tak akan serah, tapi sedia tukar kerusi**  
**The Malaysian Insider**  
**10 September , 2011**

KLANG, 10 Sept – MIC sedia untuk bertukar kerusi diperuntukkan kepada parti itu dengan parti komponen Barisan Nasional (BN) yang lain pada pilihan raya umum ke-13.

Presidennya Senator Datuk G Palanivel berkata parti itu bersedia untuk bertukar mana-mana kerusi jika mempunyai sebab kukuh untuk berbuat demikian dan sekiranya ia boleh membantu BN memenangi kerusi itu.

“Kami tidak akan menyerahkan kerusi milik kami tetapi bersedia untuk berbincang mengenai pertukaran kerusi dengan parti komponen BN yang lain,” katanya selepas melancarkan seminar teknologi maklumat di sini hari ini.

Dipetik Bernama Online, Palanivel berkata, parti itu diperuntukkan sembilan kerusi Parlimen dan 19 kerusi kawasan Dewan Undangan Negeri pada pilihan raya umum lepas, pada 2008. Parti itu menang tiga kerusi Parlimen dan tujuh kerusi negeri.

Beliau yang sendiri tewas dalam pilihan raya umum 2008 di Hulu Selangor berkata, persediaan kini dibuat untuk merampas kembali semua kerusi yang parti itu kalah.

The Malaysian Insider  
Hakcipta © 2011 The Malaysian Insider  
Source: <http://www.themalaysianinsider.com/bahasa/article/pru-mic-tak-akan-serah-tapi-se-dia-tukar-kerusi/>